

漢西域圖攷

滿



漢西域圖考卷之三

天山以北諸國沿革考

前後蒲類車師後城長郁立師四國

今巴里坤

番禺李光廷恢

垣煥



蒲類四國今巴里坤地東南接哈密西北接烏魯木齊
今奇臺巡檢駐古城則與烏魯木齊分界地也自奇臺
而東三十里入山五百六十里至肋巴泉塘山勢始開
又東二百六十里而復合山環如城中為巨泊今名巴

爾庫爾

急黃即巴里坤

淖爾古之蒲類海也山內之地為漢蒲

漢西域圖考

卷之三

一 陽湖趙氏
壽 謙 草 堂

類國東漢時蒲類遷於阿惡又為移支國治焉東界匈奴
常為戰地宣帝本始二年五將軍征匈奴蒲類將軍
約烏孫合擊匈奴蒲類澤不相及而罷東漢明帝永平
十六年竇固破匈奴呼衍王於天山追至蒲類海班超
將兵別擊伊吾戰於蒲類海和帝永元三年單于衰弱
至蒲類海款塞桓帝元嘉元年伊吾司馬毛愷之遣吏
於蒲類海與呼衍王戰悉為所沒敦煌太守馬逢出塞
至蒲類海呼衍王引去地迫而險為匈奴所必爭張璠
疏所云呼衍王常展轉蒲類秦海之間者也其南山即

天山亦曰白山

西河舊事云天山最高冬夏常雪故曰白山

後名時羅漫山

前書武帝紀天漢二年李廣利擊匈奴右賢王於天山征和二年遣馬通等分道出酒泉至天中此天山也後書永平十七年竇固與耿秉擊白山降車師亦即此山隋書突厥傳射匱可汗攻處羅可汗處羅走高昌東保時羅漫山唐書地理志天山在伊州北一名白山胡名析羅漫山析羅卽時羅之轉此則天山白山同爲一山之証

宋樂史太平寰宇記云伊州東北至時羅漫山二百四十里北有大川入回鶻界伊州西北至時羅漫山百四十六里山北有大磧入金山哥羅祿住處蓋自烏魯木齊之南其南支山孟克圖嶺東趨皆曰天山其自烏可克嶺東至庫舍圖嶺卽今巴爾坤之南山也漢後

漢西域圖考

卷之二

屬匈奴晉世匈奴南徙敕勒居之晉書敕勒傳有伊吾以西焉耆以北諸部此屬其地元魏時屬蠕蠕宣武帝永平中高車主彌俄突擊殺蠕蠕主伏圖於蒲類海卽其地也隋時屬突厥後分爲西突厥唐世爲沙陀部與處月雜居唐書沙陀傳云處月居金娑山之陽蒲類之東有大磧名沙陀故號沙陀突厥者是已賀魯之反沙陀朱邪孤注據牢山以叛爲梁建方所誅後亦漸強武后長安二年進沙陀金山爲金滿都督先天中子輔國嗣徙居北延唐所建置則貞觀十四年于始昌故城置

蒲昌縣東南有蒲類海今噶順溝地開元中置伊吾軍

在伊州西北五百里今肋巴泉塘地此皆鎮西廳所轄

境也自鎮西廳西北逾山以至奇臺縣西為古城東為

木壘在漢為蒲類後國在木北車師後城長國在奇郁立

師國在古城北唐前沿革與鎮西同至唐則貞觀十四年置

蒲類縣即今古城地開元中置甘露州在今木壘城東

北唐書地理志云別自羅護守捉今土魯番哈刺西北

上乏驢嶺百二十里至赤谷又經金山口經長泉龍泉

百八十里至獨山守捉又經蒲類縣百六十里至北廷

漢西域圖考

卷之二

今古城至吉木又舊唐書地理志云甘露州在北廷東

薩百八十里南五百里而鹹泉鎮郝遮鎮特羅堡子皆在北廷之東

此皆奇臺縣所轄境也太宗貞觀中西突厥分國兩地

皆屬咄陸高宗永徽五年平賀魯置崑陵都督府地又

屬焉德宗貞元五年沙陀叛附吐蕃隨虜南徙其地遂

空懿宗咸通七年僕固俊由北廷取西州地并入高昌

屬阿薩蘭回鶻後唐莊宗同光二年遼逾流沙取浮屠

城始通西域宋真宗咸平六年遼聖宗統和遼脩可敦

城景德元年遼統和二十二年遼以可敦城為鎮州軍地入於

遼徽宗宣和四年耶律大石自雲中西走可敦城至北
廷是可敦城在北廷之東亦近木壘也南渡之後爲別
失八里東境屬亦都護而高昌種亦雜居元太祖三年
西征至獨山城空無居人命月朶失野訥移唆里迷國
六十戶居之九年再至則已繁庶遂授月朶爲達魯花
赤此卽唐設守捉之地今古城南百里之松山也後并
於畏兀以封亦都護泰定後復以宗王鎮焉明初爲瓦
拉部而巴里坤地亦有汗明史哈密傳所稱迤北汗鬼
力赤卽其酋也復有乜克力小列禿兩部號北山種皆

役屬瓦拉後分四衛拉特屬和碩特部明末固始汗遷
居西海此爲準噶爾台吉游牧地我朝康熙三十六
年準部噶爾丹敗死割阿爾泰山以西畀策妄那布坦
地爲我有康熙二十八年策妄入犯西路始屯兵焉雍
正五年策妄死罷西師仍事防秋七年巴里坤始建城
會噶爾丹策零入寇副將樊廷以兵二千敗之復命岳
鍾琪爲甯遠大將軍出師西路屯兵巴里坤以俟曩十
年岳鍾琪築木壘城後移兵回巴里坤乾隆二十年阿
睦爾薩納內附命定西將軍永常由巴里坤出西路阿

逆叛永常自烏魯木齊退回木壘旋退回巴里坤二十一年再出師兆惠由巴里坤赴援二十二年正月厄魯特全部皆叛兆惠自伊犁轉戰而歸圖倫楚以巴里坤兵應援回巴里坤及三月出師兆惠仍由巴里坤入伊犁蓋新疆之定西路兵皆由此迄今則開屯興學歸諸郡縣裁糧員設守令文物同於內地矣

巴里坤鎮西廳城雍正七年威信公岳鍾琪建高丈九尺周八里二分四釐征準部時兩駐大軍軍罷置廳設同知一員乾隆三十八年升爲府改城爲鎮西府城置

漢西城圖考

卷之三

五

宜禾奇臺二縣宜禾附郭設總兵一員駐綠旗馬步兵三千六百七十八名道光中移道員駐此改府爲廳宜禾縣遂裁今惟設同知一員

會甯城在廳城東南乾隆三十七年建高一丈六尺周六里三分設領隊大臣一員滿營駐防兵九百十二名奇臺縣在廳城西北五百六十里名靖遠城乾隆三十八年建設知縣一員隸鎮西廳

古城在奇臺縣西北八十里與孚遠滿城相比古城乾隆三十五年建駐提標後營游擊一員綠旗駐防兵四

百一名設巡檢一員隸奇臺縣乎遠城乾隆二十九年
建駐領隊大臣一員滿營駐防兵一千名

木壘城雍正十年岳威信公奏建在廳城西北六百六
十里奇臺縣東百里設守備一員綠旗駐防兵二百名

車師後庭前後卑陸單桓東西且離烏訥訾離規
國八國今烏魯木齊 附今庫車 五國之當也

自車師後庭以西與匈奴烏孫接界者今名烏魯木齊
北阻戈壁南控陰山自伊犁而東其南支壁 曰天山其北支曰陰山西至瑪納

斯河東至濟木薩城為今迪化州所轄阜康昌吉綏來
漢西域圖考 卷之三 六

三縣地漢為車師後王庭及山北六國卑陸單桓挾國 烏訥訾離且離

帝地節二年鄭吉發兵擊車師交河城破之此今土魯 番雅兒城

王尚在其北石城中隋書高昌北有赤石山山北有食 汗山城在山中壘石為之當即此

城唐書地理志亦云赤石山多 赤色因名在食汗山西七十里即今保惠城之南山也
唐書地理志云自西州西北至交河縣又北八十里為
龍泉館其北入谷百三十里經柳谷度金娑嶺百六十
里經石會戌至北廷都護治所此與下
宋王延德記皆今交河北入保惠城路 平帝元始中徐
普欲開五船新道後王姑句不肯以歛降匈奴王莽建

國二年遣右伯甄豐出西域後王置離謀入匈奴校尉

刁護械置離送瑒婁城都護但欽殺之其兄狐蘭支舉國亡入匈奴東漢光武朝遣子入侍卻之明帝永平十

六年取伊吾地前後王皆附十八年匈奴破殺後王安

得攻金蒲城即車師後庭今濟木薩也耿恭擊卻之移據疏勒城此與

金蒲近會帝崩車師復叛與匈奴共圍恭帝建初元年

耿秉破交河城遣兵迎恭乃得歸和帝永元二年大將

軍竇憲破匈奴復內屬八年後王涿鞮擊前部王虜其

妻子九年遣長史王林討斬之立其弟農奇爲王安帝

永寧元年後王軍就擊殺長史索班延光四年班勇屯

漢西域圖考 卷之二 七

柳中發兵擊獲軍就於索班歿處斬之立故王子加特

奴爲王又遣別校擊斬東且彌王更立其種人爲王順

帝永建元年勇發加特奴兵擊呼衍王破之陽嘉三年

車師司馬復發後王兵擊匈奴於閭吾谷大有斬獲四

年春呼衍王侵後部敦煌太守救之不利秋呼衍王遂

破後部桓帝永興元年後王阿羅多反候炭遮嶺餘人

叛之阿羅多走北匈奴漢立故王軍就子卑君爲王阿

羅多復還與卑君爭國詣校尉閭詳降於是立阿羅多

爲王以卑君還敦煌此皆濟木薩地也三國時東西且

離單桓卑陸蒲類

魏志注西戎傳作蒲陸

烏貪皆並於車師後部

其王治於賴城魏賜其王壹多雜守魏侍中大都尉受魏王印見魏志注西戎傳北魏時復存且離見於北史

後六國皆爲鐵勒地亦曰高車役屬蠕蠕魏書高昌傳

云北有赤石山山北有貪汗山

貪汗山在古城西南二十里

此山北

鐵勒界也孝文帝太和十一年蠕蠕主豆崙犯塞高車

阿伏至羅與從弟窮奇諫不從率所部至前部西北自立爲王此則正今烏魯木齊地時阿伏至羅在北窮奇在南十四年阿伏至羅來貢既而厭達以兵滅焉耆北

漢西域圖考

卷之二

八

侵高車殺窮奇虜其子彌俄突阿伏至羅又殘暴國人殺之立其宗人跋利延歲餘厭達納彌俄突國人又殺跋利延迎彌俄突立之彌俄突既立復入貢尋與蠕蠕主伏圖戰於蒲類海殺伏圖明帝熙平初彌俄突爲蠕醜奴所禽部衆悉入厭達厭達聽彌俄突之弟伊匐歸國遣使來奉表封爲高車王正光中伊匐擊敗蠕蠕其弟越居殺之而自立東魏孝靜帝天平中伊匐子比適又殺越居而自立與和中比適爲蠕蠕所破其子去賓奔東魏地入蠕蠕蠕滅屬突厥隋煬帝大業四年

西突厥處羅厚斂鐵勒諸部諸部共推契弊即契歌楞部

為莫賀可汗居貪汗山伊吾高昌焉耆諸國皆附其地

有浮圖城即漢後庭地別有五城後名回鶻五城也名五城地

其西又有莫賀城在今雙河堡西二十里唐設沙鉢鎮莫賀所築蓋全得

今迪化一州三縣地矣唐高祖武德中射匱可汗方強

莫賀黜汗號往附之自是屬西突厥太宗貞觀十四年

侯君集討高昌欲谷設屯浮屠城與高昌相應及高昌

平即其地置廷州立金滿與廷州同城輪臺在今迪化州東七十里二

縣尙有蒲類一縣即今古城入巴里坤二十二年賀魯內附處之廷州莫

漢西域圖考

卷之三

賀城高宗永徽二年賀魯遣子陁運寇廷州攻金嶺城

在今保惠城南山遣梁建方討之五年賀魯平以阿史那彌射

為崑陵府大都督此地屬焉武后長安二年改為北廷

都護府統攝突騎施堅昆斬分置各鎮拓地愈廣唐書

地理志云自廷州西延城西六十里有鈔鉢守捉即莫賀城

有憑洛守捉又八十里有耶勒城守捉又八十里有俱

六城守捉至輪臺縣又百五十里有張堡城守捉皆一

州三縣地也元宗開元二年突厥子同俄特勒寇北廷

郭虔瓘斬之後蓋嘉運置瀚海軍於北廷城中十六蕃

新州胡部隸焉而葛羅祿之陰山州實近輪臺蓋南徙

而入其境

葛羅祿分三部顯慶二年以謀落部為陰山都督府立俟部為松漠都督府踏實力部為

元池都督府後漸南而陰山州在此境長春西游記云宿輪臺縣東陰山下蓋以唐之陰山州得名是葛羅祿

常居之寰宇記所云山北有大磧入金山哥羅祿住處也

天寶中葛羅祿居金山北

廷者遂自立葉護矣肅宗上元中軍鎮多陷北廷李元

忠獨為唐守德宗建中元年以元忠為北廷都護貞元

五年陷於吐蕃懿宗咸通七年僕固俊自北廷取西州

復通於唐自後合於西州稱西州回鶻亦稱阿薩蘭回

鶻後唐莊宗同光二年遼太祖逾流沙拔浮屠城西鄙

漢西域圖考

卷之二

皆屬周太祖廣順二年

遼穆宗應歷二年

遼遣遏鐸使其國自

是貢獻不絕宋興亦入貢太宗太平興國六年稱西州

師子王阿厮蘭漢即阿薩蘭也宋王延德使高昌記云

王邀延德至北廷歷交河州凡五日至金嶺口又兩日

至漢家砦又五日上金嶺嶺上有龍堂刻石記云小雪

山也嶺上有積雪行人皆毛罽度嶺一日至北廷蓋盡

有漢前後廷地矣後獨貢於遼徽宗宣和四年耶律大

石西走可敦城駐北廷都護府欽宗靖康元年大石稱

帝於伊犁地役於西遼南渡後北廷又名別失八里亦

都護入交州西遼主封爲交河王令統其地東界仍與高昌雜居元太祖四年亦都護降始內屬文正西游錄

所云金山南有回鶻城名別石把即別失八里有唐碑所謂

瀚海軍者也後並爲畏吾兒以封亦都護會亦都護紐

林入朝即其地置鎮北廷都護府改畏吾斷事官爲北

廷都護府後復歸亦都護而北廷之西則太祖九年討

契丹遺俗始得其地劉郁西使記云自和林今土謝圖汗之西境

出兀孫今烏里雅蘇臺地西北行二百里地漸高入站經瀚海

地極高寒雖尋暑雪不消山石皆松文西南七日過瀚

漢西域圖考 卷之二 七

海本記云瀚海古金山也按文正西游錄云成實大輞十達行在所明年大舉西伐過金山時方盛夏雪凝冰

積歎冰爲道松檜參天花草彌谷金山而西水皆西流

入海其南有回鶻城名別石把有唐碑所謂瀚海軍也

瀚海去城數百里海中有嶼其土皆禽鳥所落羽毛城

西二百里有輪臺縣唐碑在焉城之南五百里有利州

即唐之高昌云云此以今濟大薩爲瀚海與劉記殊且言蒲類海亦未確也附誌於此行三百里

地漸下此爲烏里雅蘇臺至烏魯木齊路獨見此記詳錄之有河濶數里曰昏木

輦木輦河也此羅克倫河夏漲以舟楫濟又三日過龍骨河馬納思河

皆今西境也後亦封諸王不知何屬而亦都護所封北

廷之地泰定後亦歸朝廷元之亡也爲猛可帖木兒所

據稱瓦拉部猛可死分爲三渠明成祖永樂七年封馬

哈木爲順寧王太平爲賢義王把禿孛羅爲安樂王三

渠中惟馬哈木最強十年襲殺元主本雅失里十一年

入寇帝親征破之土拉河在和林東十四年死子脫歡嗣宣

宗宣德九年襲殺元相阿魯台英宗正統初又殺賢義

安樂兩王併其衆自是愈恣四年死子也先嗣自稱太

師淮王與其主脫脫不花各自入貢於是破哈密攻元

良哈十四年遂入寇英宗北征被虜史稱土木之役是

已景泰元年秋送英宗還又弑其主兼并諸部三年自

立爲汗六年爲阿剌知院所殺達剌孛羅復殺阿剌國

漢西域圖考

卷之三

遂弱武宗正德十三年部長卜六兒常應巡撫陳九疇

以兵襲土魯番三城後土魯番強不能自立遂分爲四

衛拉特稱厄魯特其三部皆脫歡也先之裔而居此地

爲和碩特部則元太祖弟哈薩爾後云四衛拉特者杜爾伯特治額爾

齊斯河綿羅斯治伊犁土爾扈特治雅爾和碩特治烏魯木齊聖武記云元太祖起漠北仲弟哈薩爾以射間

季弟勒格圖以勇聞今內外札薩克蒙古所自出及考元史諸王表烈祖神元皇帝五子長太祖次二朔只哈

見次三哈赤溫次四鉄木哥幹赤斤所謂幹盧那顏者也次五剛里古臺並無哈薩爾勒格圖之名又謂此三

部皆也先脫歡後而西域水道記云僧格桑爲神羅斯十五世汗自也先溯之亦無此世數均有可疑存此以

俟知者十九傳至明末爲固始汗此爲十九傳則也先之後無十五傳可知徒

居青海此爲準噶爾

卽維羅斯

台吉游牧地康熙三十六年

噶爾丹死歸策妄阿拉布坦五十八年西路兵屯於巴里坤與相持焉六十一年西路進軍地爲兵衝雍正五年策妄死子噶爾丹策零立七年命大將軍傅爾丹屯阿爾泰山出北路大將軍岳鍾琪屯巴里坤出西路九年北軍失利西軍入烏魯木齊賊已先徙當是時策零東犯留台吉等以兵伺西路此地爲甌脫焉十一年罷兵始獲休息乾隆二十年後厄魯特旣降復叛屢由此進兵自二十八年後改歸郡縣開屯列戍商賈輻湊人

漢西域圖考

卷之三

三

居旣廣地氣漸煥儼然吳越之盛矣

烏魯木齊鞏甯城乾隆三十六年都統索諾木策凌建周九里三分 賜名曰鞏甯設都統一員領隊大臣一員滿營協領六員移駐涼州莊浪八旗兵三千名舊駐巡道一員今移回巴里坤

迪化州城在鞏甯城東八里紅山嘴地乾隆二十一年軍士始築土城三十一年再於其北展築新城南郭接連舊城 賜名曰迪化舊設同知一員三十六年改爲直隸州設知州一員轄阜康昌吉綏來三縣巡檢一員

駐提督一員總管新疆綠營事務

伊犁中軍參將一員不屬

綠旗駐防兵九百四十名迪化州城守都司一員駐防兵九百九十四名鞏甯城守都司一員駐防兵三百四

名
昌吉縣本甯邊屯城在鞏甯城西北九十里元之彰八里地也乾隆二十七年建高丈五尺周三里五分初設甯邊州同一員三十八年升爲昌吉縣設知縣一員駐提標左營遊擊一員綠旗駐防兵九百四十三名

景化城在昌吉縣西一百十里乾隆二十九年建高丈

漢西域圖考

卷之二

西

六尺周三里五分移駐甯邊巡檢一員隸昌吉駐提標右營都司一員駐防兵九百四十三名

阜康縣本阜康屯城乾隆三十八年升爲縣設知縣一員

濟木薩本愷安屯城在阜康縣東二百四十里駐阜康縣丞一員其南爲保惠城駐提標叅將一員綠旗駐防兵九百九名

綏來縣本康吉屯城馬納思河東岸舊有城基名陽巴爾噶遜乾隆四十二年於其東建南北二城北曰康吉

城周三里七分六釐高丈六尺初駐縣丞建城之年改
爲綏來縣設知縣一員南曰綏甯城周三里五分八釐
高與康吉同兩城間築牆六十五丈九尺中置門曰靖
遠關康吉城駐瑪納斯副將一員左營都司一員綠旗
駐防兵八百名綏甯城駐右營都司一員駐防兵七百
七十九名

附今庫爾喀喇烏蘇沿革攷

漢匈奴西境

庫爾喀喇烏蘇北界兩泊

阿雅爾泊喀喇塔拉額西柯泊

南阻陰山

伊犁

北山東距馬納思河西距博羅塔拉河漢匈奴極西

漢西域圖考

卷之二

五

地晉後爲鐵勒部所居魏書所稱金山以南諸部也

入隋屬西突厥統葉護突厥既分咄陸建廷於鐵曷

山西又屬咄陸初居是者爲處木昆部附於賀魯高

宗永徽中蘇定方出金山北擊處木昆部破之

唐書金山

有二突厥傳云居金山之陽爲今阿爾泰山人所知也其一卽金娑嶺在高昌北亦曰金嶺唐置金嶺城

亦曰金山袁宇記云時羅漫山西有大磧入金山哥羅祿住處卽此金山蘇定方破賀魯於伊麗水無由

取道阿爾泰山之北也西突厥俟毗走金山亦卽此賀魯平設郡縣屬崑陵都

護府統隸於北廷唐書地理志云輪臺縣又百五十

里有張堡守捉

此烏魯木齊境

又渡里移建德河

卽馬納思河

七

十里有烏宰守捉又渡白楊河即烏蘇有清鎮軍城

志云北延瀚海軍西七百里有清海軍本清海鎮今阿雅爾泊也又渡葉葉河有葉

河守捉即庫爾喀喇烏蘇又渡黑水七十里黑水守捉即固爾圖

喀喇烏蘇又經黃草泊大磧小磧渡石漆河即晶踰車嶺

今登努勒臺山至弓月城在哈什河北過思渾河即哈什河蟄失密城

渡伊麗河此即今烏魯木齊由登努勒臺至伊犁之

路乾隆三十二年征達瓦齊由此進兵今改道由松樹頭嶺過山不由此自車嶺而前

皆今庫爾喀喇烏蘇境也元宗開元中置瀚海軍十

六蕃州隸焉此地屬葛邏祿部松漠元池二都督唐

漢西域圖考

卷之二

書本傳云後稍南徙在金山北廷者自稱葉護是此

境已肅宗至德後葛邏祿徙十姓故地不知何屬後

唐莊宗同光二年役屬遼南渡後西遼建國於伊犁

此為北路重地元太祖九年討契丹遺俗地入版圖

劉郁西使記云過龍骨河即馬納思河復西北行與別失

八里南北相直圖書集成所引作南以闕直茲從西域考古錄補正近五百里

河西瀦為海約千餘里曰乞則里八寺西域水道記以龍骨為烏

隆古河乞則里八寺為噶勒札爾巴什泊非也出烏里雅至伊犁不過烏隆古河且無過烏隆古河而西

北行之理蓋彼誤認別失八里在濟木薩又泥烏隆古之音故至此非定論也多魚可食有

碾磴以水激之

即今阿雅爾泊由馬納思河核之行除了然矣

行漸西有城

曰業瞞

音○今安濟哈雅臺地

又西南行過孛羅城

即賽喇木泊東南之鄂勒著依圖博木臺地所謂三臺也所種皆麥稻山多柏不

能株絡石而長城居肆圍間錯土屋牕戶皆琉璃城

北有海

即賽喇木泊

鐵山風出往往吹行人墮海中西南

行二十里有關曰鐵木兒懺察

即今松樹頭嶺

守關皆漢民

崎嶇似棧道

今伊犁之果子溝

出關至阿里麻里城

即塔勒奇城

又文正西游錄云過瀚海千餘里有不刺城

即孛羅城之轉

城南有陰山

音 即松樹頭嶺

山頂有池

今賽喇木泊在四山之中即池也

漢西域圖考

卷之二

池南地皆林擒樹陰翳不露日色出陰山有阿里

馬城

此即由賽喇木泊至伊犁與劉記同劉曰海此曰池其實一也惟劉云城北有海而文正錄似

在城南不知文正因急伸山頂有池句漏云城在池東南遂致撰耳長春西游記直謂之天池海即此推

之兩記如一耳○元史郭德海傳云從先鋒拓柏西渡乞則里入海文錄山是鐵山在乞則里入海之西

劉記所言鐵山近賽喇木泊則乞則里入海斷非噶勒札爾巴什泊可知據此兩記即今

伊犁軍臺之路也諸王分封此為葉密里曲兒只兩

地

葉密里近安濟哈正臺曲兒只近慶綏城

葉密里為定宗濟邸憲宗二

年以封脫脫

太宗第四子哈刺察之子

後仍歸定宗幼子大名王

火忽

句

曲兒只地二年以封別兒哥元史耶律希亮

傳云踰天山至北廷都護府中統二年至昌八里城

今昌吉縣夏踰馬納思河抵葉密里城可知龍骨河即馬納思河離葉爾不

遠也冬至於火亭三年定宗幼子大名王資以鞍馬乃

從王至忽只兒即曲兒只會宗王阿魯忽內附又從二王

還至葉密里城五月為阿里不哥世祖第七弟所驅西行

千五百里至孛劣撒里之地六月又至換札孫之地

二地未考大約至伊犁之西而復回也又西行九百里至也里虔城而

哈刺不花兵掩至阿里不哥叛黨又從二王還至不刺城自

不刺城而東亦今庫爾喀喇烏蘇境也西游錄又云

漢西域圖考

卷之二

又自回鶻五城渡黑水河即三略刺烏蘇西北至庫克腦兒

譯言青海子也此略刺塔拉額西柯泊跨河築城柱石為梁兩

城劃張形同腰鼓與阿里馬南路相直皆西遼巨鎮

也是知不刺城北復有大城正跨博羅塔拉河矣至

元中海都叛丞相安童先克火和大王火和即火忽大名王也見

昔班傳蓋克葉密里地矣不知何屬明時屬瓦拉及分四衛拉特

屬綽羅斯康熙中噶爾丹東犯策妄那布坦潛回博

羅塔拉河遂得伊犁雍正中兩大將軍出兵賊為屯

兵要地策安卓帳在哈什河北與此地只隔一山乾隆二十年征西之役

兩將軍會兵於博羅塔拉河及阿逆背叛亦於博羅塔拉會衆自立用兵伊犁此地實津要也準部既平

設官駐防同於內地三十六年土爾扈特來歸分東

西兩路牧於濟爾噶朗

卽多木達喀刺烏蘇之上游

及晶河之地

水道記云舊土爾扈特烏訥恩蘇珠克圖盟設札薩克十分四路南路牧於大裕勒都斯巴見喀喇沙爾篇東路日札薩克畢錫將勒圖郡王一札薩克伊特格勒貝子一凡二旗牧庫爾喀喇烏蘇之濟爾噶朗西路日札薩克濟爾噶朗貝勒一祇一旗牧鼎河

今自安阜城西至托霍木

圖軍臺南盡哈什圍場山陰皆土爾扈特錯處自城

以南則河東者游牧河西者屋居城以北則河東者

漢西域圖考

卷之二

九

屋居河西者游牧云

慶綏城乾隆三十七年建四十八年於城東北二里

築新城高一丈六尺周三里一分駐領隊大臣一員

綠旗游擊一員駐防兵三百名

安阜城舊建城置典史一員乾隆四十年於舊城東

二里建安阜城城高丈六尺周二里二分改典史爲

糧員設綠旗都司一員駐防兵二百名與慶綏城游

擊皆隸於領隊

烏孫

北連伊列並今伊犁附阿力麻里辨

附今塔爾巴哈臺沿革

烏孫今伊犁地其始曰伊列後曰伊麗見唐書曰亦列見

正西遊錄曰益離見金烏古孫使蒙古記皆音之轉唐書地理志弓月

城過思渾河蟄失密城渡伊麗河一名帝帝河至碎葉

界又西行千里至碎葉城水皆北流入夷播海伊犁之

界如此夷播海則巴勒喀什泊也今所轄境西界布魯

特東至阿拉葵山南距天山北距陰山自喀克善山而東南至太素爾

嶺轉而東至巴里坤南山皆曰天山今名汗騰格里山

又自阿拉葵山之脈北達西至伊犁北山東至阜康縣

之博達克山皆曰陰山西遊錄所云東西千餘里南北二百里者也漢時伊犁河以北為

漢西域圖考

卷之二

伊列國屬匈奴河南盡烏孫地初烏孫王難兜靡為月

氏所殺子昆莫新生傅父希就抱歸匈奴單于養之及

壯與以其父民衆使報仇時月氏已西遷塞王地昆莫

攻之月氏走大夏昆莫因留居之故其地有塞種月氏

種云武帝初昆莫有子十餘人昆莫王名後改昆彌中子大祿最

強太子早死昆莫立其子岑陁為太子大祿擁兵叛昆

莫分兵與岑陁別居亦自擁兵國分為三漢使張騫至

其國欲得之以拒匈奴歸說於上上遣騫諭昆莫昆莫

內屬元封中以江都王女細君為公主妻之昆莫死岑

甌嗣又尙公主主死漢復以楚王戊之孫解憂爲公主
妻岑甌岑甌死舍其子泥靡以國與大祿子翁歸靡約
死時還泥靡翁歸靡立號肥王復尙楚主昭帝時匈奴
擊烏孫取車延惡師地公主上書請救宣帝立遣五將
軍兵擊匈奴常惠與烏孫兵合大破匈奴匈奴旣衰耗
愈怨烏孫其冬單于自擊烏孫天大雨雪還者不能什
一於是丁零與烏桓攻之烏孫亦擊其西匈奴遂弱時
本始三年也元康二年肥王請以公主長子元貴靡爲
王復和親會翁歸靡死國人守前約立泥靡爲王號狂

王復尙楚主生一男鴟靡後不和又失衆心漢使魏和
意任昌使其國謀殺之狂王傷而走其子細沈瘦以兵
圍漢使都護鄭吉救之乃出狂王旋爲翁歸靡胡婦之
子烏就屠所殺自立爲昆彌復降漢乃立元貴靡爲大
昆彌烏就屠爲小昆彌時甘露元年也三年元貴靡死
子星靡嗣爲大昆彌黃龍元年郅支單于走右地遣使
見烏就屠與并力烏欲屠殺其使以兵迎郅支爲所敗
郅支旣并丁令堅昆屢攻烏孫會康居亦與烏孫構兵
迎郅支至元帝建昭三年漢使陳湯由烏孫抵康居擊

斬郅支禍始息星靡死子雌栗靡嗣小昆彌烏就屠死
子拊離嗣爲弟曰貳所殺漢立拊離子安日爲小昆彌
安日使客刺殺曰貳旋爲降民所殺漢立其弟末振將
以代時大昆彌雌栗靡國大和末振將遣人刺殺之漢
遣段會宗與都護圖方畧立雌栗靡季父公主孫伊犁
靡爲大昆彌久之大昆彌翎侯雞棲殺末振將安日子
安犁靡代爲小昆彌漢恨不自責誅命段會宗斬末振
將之子番邱是歲成帝元延二年也末振將弟卑爰寔
北附康居二昆彌畏之哀帝元壽二年大昆彌遂入朝

卑爰寔又侵兩昆彌都護孫建襲殺之自分兩昆彌漢
用焦勞而兩昆彌延世不絕常爲大國東漢明帝永平
十七年既定車師戊己校尉耿秉移檄烏孫大昆彌已
下來獻馬遣子入侍章帝建初八年遣李邑護烏孫使
者賜大小昆彌錦帛猶欲得其力以通西域也自後不
見於史元魏之世數爲蠕蠕所侵西徙蔥嶺山中太武
太延三年遣董琬使其國後亦常貢而故國爲鐵勒所
居魏書所載得疑海東西有蘇路羯句三素句咽蔑句
促護忽等伊吾以西焉耆之北有契弊句蘇落職句蘇

婆句那葛句烏護句紇骨句也唃句於尼護等得崑海

今特穆爾圖泊自此而東至焉耆之北大抵皆鐵勒也

唐書契苾傳在焉耆西北鷹娑川即今小裕勒都斯河也又王方翼傳車簿啜叛圍弓月城方翼文伊麗河斬首千級俄三姓咽麵兵至方翼次熱海分道襲之皆驚潰案契苾即契弊二姓即三素咽麵即咽蔑是至唐時鐵勒向在其地

隋太祖開皇中達頭可汗與突厥分烏孫故地

號西突厥伊犁各部皆屬焉唐太宗貞觀中咄陸與唃

失利交爭因伊列河約諸部河以西咄陸主之河以東

唃利失主之地遂兩屬唃利失建庭雖合水北東薄伊列河謂之南庭雖合水即察林

河也唐書云由焉耆西北七日至南庭亦未確賀魯反復合高宗永徽五年

擢蘇定方為伊麗道總管擊賀魯賀魯跳度伊麗水阿

史那彌射至伊麗處月處密皆下賀魯平以彌射為崑

陵都護統五咄陸部以步真為濠池都護統五努失畢

部地亦兩屬永淳初十姓阿史那車簿啜反圍弓月城

王方翼引軍至伊麗河亦即此地也武后朝突厥亡突

騎施烏質勒以碎葉為大牙以弓月城伊麗水為小牙

遂盡有其境烏質勒死子娑葛與弟遮弩爭為默啜所

殺別部車鼻施啜蘇祿得其地復雄西域後分為黃黑

兩姓相攻迄無寧歲事別見布魯特篇代宗大厯後葛

羅祿徙居十姓故地二姓皆役屬嗣後乃統稱回紇矣
破洛那者烏孫之留種也烏孫之徙餘衆徙都眞珠河
今特克
斯河北保有龜茲白山西北之地改國號焉至唐曰

撥汗亦曰拔汗那太宗貞觀中其酋契苾爲西突厥所
殺阿瑟羅鼠匿奪其城鼠匿死子邊波之立契苾子阿
了參爲主而自爲分治高宗顯慶中入貢以其地爲休
循都督府授阿了參刺史元宗開元三年吐蕃立阿了
達爲王阿了參走都護求援適御史張孝崧奉使至說
都護呂休璟徵兵西攻阿了達於連城屠其三城西域

漢西域圖考

卷之二

十四

震懼

謝氏戎幕隨筆云庫車白山石浮羅有兩
截碑開元二年呂休璟爲張孝崧紀功作

二十七

年王阿悉爛斤助平吐火仙封奉化王天寶三載改國
曰甯遠賜姓竇封宗室女爲和義公主妻之十三載王
忠節遣子來朝後亦并爲回鶻又百餘年而西遼耶律
大石興焉當遼保大二年天祚播越大石擁立秦王溍
溍死以其妻蕭德妃爲太后守燕金兵入燕德妃走天
祚天祚誅德妃責大石大石抗辯天祚知其忠不罪也
而大石不自安西走可敦城駐北廷都護府會七州十
八部諭以興復得精兵萬餘整旅而西假道回鶻王畢

勒哥導之出境所過敵者勝之降者安之兵行萬里至
尋思干城西域諸國舉兵十萬號忽而珊來拒戰大敗
之回回國來降歲甲辰二月五日西至起兒漫卽位改

元延慶卽宋徽宗宣和六年也延慶三年

欽宗靖康元年

東歸

得善地建都於虎思斡耳朶

元史曷思麥里傳作谷則斡耳朶

改元康

國

當在次年

此卽伊犁地文正西遊錄云阿里馬城又西有

河曰亦列

當是今聯德城西之察罕烏蘇河以伊犁統名之耳

其西有城曰虎思

窩魯朶卽西遼之都是也自是始爲居國大石在位二
十年歿廟號天祐皇帝皇后稱制改元咸清在位七年

漢西域圖考

卷之二

五

殛子夷列立改元紹興在位十三年歿廟號仁宗妹普
速完攝國事改元崇福與駙馬蕭朶魯不之弟只里沙
通殺駙馬駙馬之父斡里赤起兵討殺之在位十四年
死仁宗子直魯古立改元天禧在位三十四年秋出獵
乃蠻主曲出律伏兵襲執之以直魯古爲太上皇據其
國西遼遂亡時爲宋寧宗嘉定四年辛未元太祖之六
年也太祖九年討契丹遺俗

見郭寶玉傳又竺邈傳西征尋思干阿里麻里等城

卽此事阿里麻里卽伊犁也

斬曲出律盡得其地號阿里馬城諸王

分封不知何屬自後又爲行國元氏之亡地入瓦拉部

明成祖十六年別失八里酋歪思西徙隨水草畜牧更國號曰亦力把里亦游牧於此焉瓦拉自也先死後子孫分散自後分爲四衛拉特綽羅斯厄魯特實治其地明末和碩特遷居青海并有烏魯木齊綽羅斯亦曰準噶爾自稱也先後云康熙初年其十四世酋曰渾台吉當國及死子僧格桑嗣位僧格桑死弟噶爾丹殺其長子而自立兼併四衛拉特摧滅山南城郭諸回部恃其兵力思東併喀爾喀乃自伊犁徙帳於金山屯田伺隙二十七年遂襲破喀爾喀喀部三汗

土謝圖汗車臣汗札薩克圖汗

漢西域圖考

卷之二

庚

大刺麻哲卜尊丹巴胡圖克圖叩關內附二十九年噶爾丹以追喀爾喀爲名舉兵內犯 聖祖親征噶爾丹遇我左翼大將軍福全兵敗之於烏闡布通三十四年復內犯 上又親征追至克魯倫河賊宵遁遇我西路大將軍費揚古兵敗之於招莫多時僧格桑次子策妄那布坦乘噶爾丹東犯潛回博羅塔拉河據有伊犁杜爾伯特部從之拓地至額爾齊斯河噶爾丹兩次喪亡牲畜畧盡歸又爲策妄所迫遂仰藥死時三十六年也策妄獻其尸 詔剖阿爾泰山而西畀之游牧策妄旣

立復踵前轍逐土爾扈特阿玉奇汗又潛殺和碩特拉
藏汗遂併四部自稱爲汗我亦分屯阿爾泰巴里坤以
備之雍正五年死子噶爾丹策零嗣用其父臣大小策
零敦多卜屢犯邊七年命大將軍傅爾丹屯阿爾泰山
出北路大將軍岳鍾琪屯巴里坤出西路九年傅爾丹
進城科布多賊誘我出師戰不利岳鍾琪亦搗烏魯木
齊賊先委城無所得九月賊分布台吉伺我西路兩策
零舉兵東犯遇我超勇親王策凌兵於鄂登楚河大破
之十年噶爾丹策零傾國入寇至杭愛山聞策凌軍赴
本博圖山突襲其帳於塔密爾河策凌聞變急回軍反
救時賊飽酣不設備我兵夜繞山後進天明從山頂壓
下賊大敗退至杭愛山阻山迫水殲賊幾盡策零僅以
身免自是不敢大舉十一年掠哈密得利去十二年我
西路張廣泗又敗之於布隆吉河於是撤兩路兵留軍
於鄂爾昆巴里坤防秋乾隆四年許通市乃盡撤防蓋
是時兩策零皆死賊勢漸衰至十年噶爾丹策零死而
內亂作矣初策零有三子次子那木札以母貴嗣位童
昏無行其姊夫薩音伯勒克與諸台吉攻殺之立其庶

兄刺麻達爾札時大小策零兩部裔謀立其弟策妄達
什策妄達什遂爲達爾札所害大策零有孫曰達瓦齊
小策零有子曰達什達瓦均爲國人所嚮達爾札又殺

達什達瓦於是達瓦齊偕其黨阿睦爾撒納奔哈薩克

阿逆本策妄外孫篤拉藏汗子丹衷之子丹衷
爲策妄所殺其妻有遺腹改適鍾特部生阿逆達爾札

遣台吉往哈薩克搜捕阿逆以下稱阿逆潛回伊犁襲殺之

而立達瓦齊小策零之孫濟噶爾與之爭國阿逆又殺

濟噶爾還達瓦齊於伊犁而自居額爾齊斯河貢功跋

扈與達瓦齊復不相能達瓦齊率兵攻之阿逆不能支

漢西域圖考

卷之二

天

十九年秋率衆內附 上先悉其內亂二十年二月

命班第爲定北將軍阿逆副之出烏里雅蘇臺永常爲

定西將軍薩喇爾亦準部王子因入藏爲兵
所阻不得歸先內附者副之出巴

里坤兩副將軍建舊囊先行所過降附五月會師於博

羅塔拉河達瓦齊素無備聞大軍至率親兵走保格登

山我兵由登努勒臺長驅渡河夜遣降夷阿玉錫率二

十騎往探阿玉錫突搗其營賊衆潰散達瓦齊踰冰嶺

走至喀什噶爾界伯克霍集斯擒以獻準部平事聞

上欲仍建四衛拉特以分其勢 命阿逆九月至熱河

行飲至禮阿逆思併四部遲遲不行班第趣之八月遂
反時各路蜂應班第在伊犁被戕永常由烏魯木齊退
兵至木壘又退回巴里坤詔褫永常代以策楞玉保
二十一年兵至伊犁阿逆已逃哈薩克又褫策楞玉保
以達爾黨阿代之達爾黨阿追至哈薩克復爲賊給得
遠颺去於是各部皆變阿逆復回博羅塔拉河會衆共
反乃令成袞札布出北路兆惠出西路兵至賊皆散走
逆酋先後授首追阿逆至哈薩克左部比首名阿布賚獻
其尸二十二年大兵合圍痛勦準民無子遺焉二十三

漢西域圖考

卷之二

完

年用兵回部遂空其地二十四年回部亦平乃命參贊
大臣阿桂由阿克蘇移回民開屯自是置重臣駐重兵
築城以居民通渠以灌田內地之氓漸次占籍外蕃貨
寶輻湊而至陸車水航駢集於都市清絃脆管錯雜於
繁會盛矣哉化瓊裘而冠裳闢荆榛爲錦繡自非大
聖人旋乾轉坤孰能與於此哉

伊犁惠遠城乾隆二十九年建高一丈四尺周一千六
百七十四丈共九里三分五十八年將軍保甯復於城
東展築二百四十丈共一里三分有奇兩城共十里六

分三釐駐將軍一員領隊大臣五員滿營駐防兵四千

名自盛京黑龍江張家口熱河移往

伊犁河南岸分駐錫伯兵一千名

索倫達爾瑚兵一千名察哈爾蒙古兵千八百名厄魯

特兵二千八百名沙畢納爾兵六百名對河兵皆游牧為業文員

置理事同知一員撫民同知一員巡檢一員

惠甯城地曰巴彥岱西去惠遠城七十里乾隆三十一

年將軍明瑞建高一丈四尺周六里三分嘉慶十年將

軍松筠向西移築南北各接築百九十九丈新築西面三

百丈駐領隊大臣一員倉員一員滿營駐防兵二千二

漢西域圖考

卷之二

手

百四名

由西安移駐

三十六年將軍舒赫德移綏定城巡檢

於此今裁

綏定城地名烏哈爾里克東南距惠遠城三十里乾隆

二十七年參贊阿桂建高一丈七尺周四里三分二十

五年先置屯鎮總兵官一員綠營駐防兵三千名由陝甘移

至此以城為中營其兵分屯各城四十五年增置巡

檢一員四十八年置倉員一員

塔勒奇城以山得名城在山南八里東距惠遠城四十

里乾隆二十六年參贊阿桂建高一丈周一里五分六

釐嘉慶七年北面展築四十丈二十一年東面展築三十丈駐屯鎮守備一員乾隆四十八年置倉員一員城北五里有破城西遼之阿里馬城也

拱宸城乾隆四十五年將軍伊勒圖建東距塔爾奇城八十里高一丈三尺周三里七分駐屯鎮參將一員廣仁城地曰烏克爾博羅素克東南距綏定城六十里乾隆四十五年將軍伊勒圖建高一丈三尺周三里六分分駐屯鎮左營

瞻德城地曰察罕烏蘇東南距綏定城四十里高一丈三尺周三里六分分駐屯鎮右營

漢西域圖考

卷之二

三

熙春城地曰哈喇布拉克西距惠遠城八十里乾隆四十五年將軍伊勒圖建高一丈周二里二分分駐屯鎮都司一員

甯遠城地名固勒札乾隆二十七年參贊阿桂建以居開屯回民今爲回城

附考西遼始末年月

遼自太祖開基天贊三年卽踰流沙以通西域創業精神遠勝完顏後嗣之衰卒賴其用大石堵拄於敵

強國蹙之餘竄跡於后死主猜之日地無一成兵無
一旅徒以空拳號衆萬里行師遂乃翦闢榛蕪再造
宗社遠拓疆土撫有西戎享國之長與金終始可不
謂之人傑哉遼史荒畧僅附天祚之末西陲經畧文
獻無徵而齊氏召南歷代帝王年表復忘其甲辰卽
位之期年表編在乙巳遂無不誤守夫康國十年之誤原本康國十年在位
二十年殞以延慶二年加康國十七年乃得二十年
此明脫七字而齊表仍之蓋未讀在位二十年句也
遂使遼亡歲月與元史牴牾亦考古之憾也今以甲
辰二月五日卽位建元延慶推之是歲爲宋徽宗宣

和六年延慶三年大石東還建國則欽宗靖康元年
丙午也由是在位二十年殞皇后稱制明年改元咸
清則高宗紹興十四年甲子皇后在位七年殞子仁
宗夷列卽位明年改元紹興則高宗紹興二十一年
辛未仁宗在位十三年殞妹普速完監國明年改元
崇福則孝宗隆興二年甲申普速完在位十四年被
殺仁宗子直魯古卽位明年改元天禧則孝宗瀋熙
五年戊戌自天禧戊戌至二十七年爲寧宗嘉泰四
年甲子是歲元太祖破乃蠻部於杭海山殺泰陽罕

則曲出律之父也至二十九年爲寧宗開禧二年丙寅太祖稱帝爲元年攻滅乃蠻部曲出律與滅里乞部脫脫奔也兒的石河至三十一年爲寧宗嘉定元年戊辰太祖西征至也兒的石河殺脫脫曲出律奔契丹至三十四年爲嘉定四年辛未直魯古出獵曲出律襲執之據其國而西遼亡共享國八十有八年是歲則元太祖之六年也又三年爲嘉定七年甲戌太祖西征而乃蠻亦亡核諸二代之史無可疑者乃齊表於甯宗嘉泰元年已書遼亡則是年爲直魯古

漢西域圖考

卷之二

壹

之天禧二十四年秦陽罕方彊曲出律亦未出且乃

蠻國在金山

元太祖紀秦陽罕來自按台山營於杭海山按台即阿爾泰之合音即金山也

杭海即杭愛山無由千餘里而襲伊犁之主是因一誤而兩

誤矣遼史以西遼爲無足重輕不知拓地之廣西極

霍罕

尋思干即霍罕城起兒漫又在其西當盡霍罕地

東距關展

元史亦都護傳已已

殺契丹監國來降

南抵和闐

太祖紀易思麥里以曲出律首徇諸城若可失

哈兒押兒牽幹端皆降

北至哈薩克

文正西游錄塔刺斯平原可田

西遼盛時富庶甲他處云云即今哈薩克右中部

邁晉室之東渡齊宋氏之

南遷鐘篋之靈賴以不墜不得以非正統而小之也

附阿力麻里辨

阿力麻里與阿里馬本兩地蒙古譯語對音遂舛為

一其誤則始於元史之地理志云諸王海都營於

阿力麻里等處蓋其分地也自上都西北行六千里

至回鶻五城

脩史者未到邊外里數原不足準

唐號北廷置都護府

又西北行四五百里至阿力麻里地

西北作東北則自了然

元五年海都叛舉兵南來

即此句亦知非伊犁地

世祖逆敗之

北廷追至阿力麻里地則又遠遁二千里上令勿追

以皇子北平王統諸軍於阿力麻里以鎮之北廷西

漢西域圖考

卷之三

諸

北無阿力麻里地則指伊犁之阿里馬而言也而世

祖至元十四年紀云七月諸王昔里吉

憲宗四子別傳亦作失烈

吉劫北平王于阿力麻里之地械繫丞相安童通好

於海都海都與東諸王不從牽西諸王至和林城北

據此則地在和林北

詔伯顏禦之十九年紀云正月諸王札刺

忽至軍中時皇子北平王以軍鎮阿里麻里地

此始將力

以禦海都諸王昔里吉與脫脫木兒

睿宗拖雷第六子旭烈兀

之孫亦憐真朵兒只之子○歲都哥之孫

亦同名彼封荆王○土土哈傳作脫脫木兒木忽兒

阿里不哥之孫

撒里蠻

憲宗三子玉龍答失之子

謀

表作藥木忽兒

○別里古臺曾孫亦同名

劫北平王以叛欲與札刺忽通好於海都海都不從
撒里蠻悔過執昔里吉等北平王遣札刺忽以聞二

十一年紀云三月丁巳皇子北平王南木合

諸王表無其名

世祖第四子北安王那木罕即其人也

至自北邊王以至元八年建幕

於和林野里

此又訛阿力作野里

麻里地留七年

亦不止七年

至是

始歸丞相安童繼至由此考之是阿力麻里在和林

之北也

聖武記云和林者大漠之北杭愛山之南鄂爾坤河之西同統舊建牙之所匈奴之北庭

也又云塔爾密河在杭愛山之西鄂爾坤河之北元和林地蓋指之賽因諾顏部而不盡然案太祖紀

云三河祖示之基業指鄂爾坤河土拉河哈拉河也當在今土謝圖汗境內

徐星伯力辨

漢西域圖考

卷之二

壹

之而不得其詳今詳考紀傳

按海都無傳而分見各傳者不一今以土土哈

父子傳與武宗紀爲主而各傳分註庶見始末

以俟折衷焉元氏之興始自

和林開國以來常以親臣出鎮

世祖之代見于史者晉王甘哈麻成宗皇

帝皆裕宗眞金之子甯王濶濶出則世祖第八子武宗皇帝則答刺麻八剌太子之子而裕宗眞金之孫

也金山在和林之西北

月赤察兒傳海都分地近金山

海都既叛則

根本動搖

鐵連傳云至元初海都叛世祖曰朕以宗室之情惟當懷之以德其擇人使焉左右

以鐵連對召見稱旨帝曰此事非汝不可然必詣拔都蒙哥鐵木王所與之計事而後行鐵連既奉命乃

直至海都境海都召宗親宴飲將伺隙害之鐵連厲聲曰且食勿語望語言脫口相拓爲罪耶海都曰直

哉厚贖以行既至拔都蒙哥鐵木王所王曰祖宗有訓叛者人得而誅之如通好不從奉行天罰我以外

應剿滅不難矣。徵連歸以聞帝。謂侍臣曰：有徵連我之宗族不失和矣。海都聞拔都王爲備已嚴，意乃帖然。又昔璉傳云：海都發世祖將討之，先命昔璉使海都。海都聽命退軍，置驛而丞相安童已克火和大王。部曲海都懼，謂昔璉曰：吾不難殺汝，拙遣汝以安童事聞，非我罪也。明年復使海都諭之，來歸海都不從。故世祖乘北廷之勝，迅軍掃穴，鎮以重臣。俊子和林始得無虞。土土哈傳云海都構亂，世祖以國家根本重地，命皇太子北平王率諸王鎮守，皆爲和林計也。又云十四年，諸王脫脫木失烈吉即昔里吉叛，土土哈率兵討之，敗其將脫兒赤於納蘭，不刺應昌部族。只兒瓦臺構亂，脫脫木引兵應之。土土哈獲其侯騎數十。

漢西域圖考

卷之二

美

脫脫木引去遂滅，只兒瓦臺追脫脫木等至禿兀刺

河即土拉河今土謝圖于東境

尋復敗之於幹歡河

此征脫脫木事伯顏傳云

初海都叛，詔右丞相安童佐皇子北平王那木罕統諸軍於阿力麻里以備之。十四年，諸王昔里吉等北平王拘安童脅宗王以叛，命伯顏帥師討之。與其眾遇于幹魯歡河，掩其不備，破之。昔里吉走死，此征昔里吉事。抗忽思傳云：孫伯答兒時失烈吉叛，謂伯答兒願河速軍二千往征之，與孛吉刺只兒瓦臺戰於押立復，與藥木忽兒軍戰於禿刺及幹魯歡之地。此多一藥木忽兒與兒合矣。又安童傳云：至元十二年七月，從太子北平王出鎮極邊。十五年大軍北征，追是安童自出鎮至此二年也。

失烈吉踰金山擒札忽臺以獻

此亦征昔里吉事。又伯答兒傳云十五年

至伯牙之地，與赤憐軍合戰。五月，駐兵阿刺牙與外刺台賈赤思哥等軍合戰，其大將塔思不花樹木積

石為城伯答見拔之
此則進征海都矣
二十三年海都犯金山時已詔北徙

與大將朶懷朶兒其禦之伯顏傳十八年二月世祖命燕王宗希海軍北邊以

伯顏從二十二年諸王阿只吉失律詔伯顏代領其眾此在朶懷朶兒之前
二十六年從

皇子晉王征海都抵杭海嶺即杭愛山今諸軍失利費因諸顏部

土土哈翼晉王以出伯顏傳二十六年進金紫光祿大夫知樞密院事出鎮和林和

林有知院自此始又伯帖木兒傳云二十六年五月海都叛命伯帖木兒以其軍先來又伯答兒傳云二

十六年征杭海
二十九年秋暑地金山獲海都之戶三千餘

遷至和林伯顏傳二十九年秋宗王明里帖木兒挾海都以叛詔伯顏討之相值於阿撒忽秃

嶺伯顏先登陷陣大破之明里鐵木兒脫身走命速哥梯迷秃兒追之伯顏引軍夜還至必失秃卒遺債

漢西域圖考

卷之三

兵伯顏堅壁不動黎明遂引去伯顏輕騎追至別場兒速哥等兵亦至斬首二千級俘其餘眾以歸軍中獲謀者遣賫書諭明里以禍福明里得書感泣以眾來歸
詔進取乞里吉思三十

年春師至欠河地理志作謙河即鄂爾坤河之下流水入北海冰行數日至

其境收其部眾海都引兵至欠河復敗之擒其將孛

羅察伯顏傳云明里來歸未幾海都復叛有諸伯顏者詔以玉昔帖木兒代之王昔未至三驛會海

都兵至伯顏欲誘擒海都諸將請戰乃還軍擊敗之海都脫走召玉昔至軍授以印而行時成宗奉詔撫

軍北邊云云當在是年也又阿沙不花傳至元二十二年海都叛成宗以皇孫撫軍北邊阿沙不花從行諭

金山征杭海有功又忽林失傳從成宗與海都都瓦戰有功又玉哇失傳時成宗在潛邸帝命出鎮金山

玉哇失率所部在行從皇子濶濶出襲擊海都軍大破之復從諸王藥木忽兒時已丞相朶兒朶懷擊海

都將八恰八恰敗海都復以禿苦馬嶺精兵超撒刺
思河欲據險以拒我師玉哇先率善射三百人注矢
以射卒全軍歸海都彘哇以兵來襲擊走之以上諸傳皆二十年事

成宗元貞二年秋附海都者率眾來歸身至玉龍罕界安集之導諸王

木忽等入朝大德元年正月奉命還北邊二月卒又

其子床兀兒傳云大德元年襲父職帥師踰金山攻

八隣地與海都所遣援八隣之將孛伯軍遇渡河蹙

之孛伯僅以身免二年北邊諸王都哇表無名諸傳或作篤哇或

作孕生或作都瓦即此人與海都同亂者徹徹禿玉龍答失之孫憲宗曾孫等襲火兒

哈禿之地敵據高山選勇而善步者擊之盡覆其軍

漢西域圖考

卷之三

明安傳大德二年復將兵北征與海都戰三年武宗領軍朔方四年叛王

禿苦麥幹魯思等犯邊床兀兒迎敵於濶別列即科布多

之地未陣薄之敵不支追之踰金山乃還五年海都

兵越金山而南可知海都遁於金山北止於帖堅古床兀兒引

兵敗之襲加歹傳武宗在潛邸常從北征與海都戰於帖堅古明日又戰海都圍之山上襲加歹

力戰潰圍而出與大軍會武宗旋師海都進道不得過襲加歹直前衝之海都披靡國兵乃由旭哥耳温

稱海與晉王兵合是役也復與都哇相持於兀兒禿之

地床兀兒以精銳馳擊都哇之兵幾盡玉哇失傳武宗鎮北邊海

都復入寇至兀兒禿玉哇失大敗之時孛羅帖木兒即禿之子所將兵為海都困於小谷帝命玉哇失援

出九年都哇察八兒相聚謀曰前與土土哈戰不勝

今與其子戰又無功不若遣使請命通一家之好使

至帝許之於是罷兵入朝特為置驛又武宗紀云大

德三年以甯王濶濶出總北邊怠於政命帝代之四

年八月與海都戰於濶別列之地十二月軍至按台

山乃蠻帶部降即床兀兒四年之戰五年八月與海都戰於迭

怯里古即鐵堅古之地越曰又大戰於合刺合答之地大

敗之乞臺傳人德五年從征航海從武宗親征哈刺阿答即合刺合答也此床兀兒五年之戰海

都不得志旋死九年已是察八兒主謀海都之死當在七八年間十年七月

漢西域圖考

卷之三

三

踰按台山追叛王斡羅思獲其孛執也孫禿阿等及

駙馬伯顏八月至也里的失地即也見受諸王降海

都子察八兒逃於都瓦部俘其家屬與床兀兒傳兩或或既降復叛

也駐兵於按台山降王禿曲滅即禿苦麥復叛與戰敗之

北邊悉平王哇失傳武宗還留之戍邊後海都子察八兒請和撤邊備乃還總諸紀

傳用兵之始末已詳而總不離金山蓋海都分地本

近金山自世祖逐之而北乃與都哇為朋是海都犯

邊之時已竄金山之北也昔里吉封地在金山西別見

後故與和林相角皆在金山之東據地望準之阿力

篇

麻里蓋在今烏里雅蘇台之地昔里吉所封則在今

塔爾巴哈臺之地矣脫脫木在利林北至阿里馬城見諸別

記蓋卽今伊犁塔勒奇城北之故城劉郁西使記云

李羅城北有海南二十里有關出關至阿里麻里城

此多下一里字與文正西游錄云不刺城城南有陰山山頂

有池出陰山至阿里馬城皆沿賽刺木泊過山而至

合觀兩記地界顯然西游錄又云西人目林擒曰阿

里馬附郭皆林擒圍故名附庸城邑八九多蒲萄果

播種五穀一如中原又西有大河曰亦列卽伊犁轉音其

漢西域圖考

卷之二

甲

西有城曰虎思窩魯朶卽西遼之都附庸城數十又

西數百里有塔刺思城由關池北行故路近是其西卽伊犁河

矣長春西游記云晨起西南行約二十里忽有大池

方圓幾二百里雪峯環之此卽西游錄所云山頂者倒影其中此

卽賽刺木泊也又云沿天池長春名南下左右峯巒

峭拔松樾陰森高踰百尺自嶺及麓何啻萬株竝流

入峽奔騰洶湧曲折灣環四十里此卽果子溝也又

云二太子扈從西征始鑿石理道刊木爲四十八橋

今亦有四十二橋翌日方出東西大川水草盈秀此卽今莫

霍爾圖河察罕烏蘇諸川也又云辛巳

太祖十六年

九月

二十七日 至阿里馬城諸部人來迎宿於西果園土

人呼果爲阿里馬

此與西游錄亦小異劉記但言山多柏蓋各舉所見而言故以

是名其城云

長春之歸在壬午四月至阿里馬之東園二太子大匠張公請渡河蓋城在河

內也歸時亦渡四十八橋沿溪五十里至天池 據此則不特道里劃然而阿

里馬確有命名斷非阿力麻里之可混劉記未考命

名之義故誤爲阿里麻里耳

竊邇傳云甲戌

太祖九年

祖親征至尋思干至阿里麻里諸國此卽郭寶玉傳

甲戌太祖親征契丹遺俗之事與收別失八里別失

漢西域圖考

卷之二

罕

蘭同是在年其阿里麻里實屬伊犁致與地志兩誤

竊疑阿里馬以馬字收音阿力麻里以麻里收音蒙

古語或當有別考憲宗二年海都分地在海押立則

明是麻里收音其地當爲阿力麻里而伊犁塔勒奇

北之城自爲阿里馬城劉記偶爾經過無足深辨而

竺邇傳當奪末一里字庶不分歧也

西遼都城在察林河西

附今塔爾巴哈臺沿革考

漢堅昆東境西境爲今哈薩左部沿革并同附此

塔爾巴哈臺今所轄境東至額爾齊斯河南逾戈壁

界兩泊

阿雅爾及額西柯泊

西北界哈薩克左部爲漢堅昆西

境此則境堅昆東境也

堅昆不人
西域諸國

宣帝時匈奴支

單于北徙破堅昆即居其地

漢書謂堅昆東去單于
庭七千里南去車師五

千里非也郅支畏徧而徙未有七千里而畏徧者又
單于庭在今塔爾密水之南杭愛山之西距哈薩克
右部不過四千里亦未有七千里畏徧而遷于
四千里地者蓋脩史者以隱度不足為據如此後徙

於康居魏晉以來居其地者訛為結骨隋時役屬薛

延陀

延陀居
金山

入唐屬車鼻南境為葛羅祿雜居唐書

車鼻傳云居金山之北北結骨西葛羅祿皆統之是

也後葛羅祿南徙始盡屬結骨黠戛斯傳云青山之

東有劍河水悉東北流經其國合而北入於海是即

漢西域圖考

卷之二

里

今之額爾齊斯

向俄濃

果莫孫諸河經其國以合

於宰桑泊又北入於北海則正今塔爾巴哈台境也

太宗貞觀三十三年結骨酋俟利發身入朝以其地

為堅昆都督府授俟利發都督隸燕然都護高宗至

元宗世凡七朝貢肅宗乾元中破于回紇更名曰黠

戛斯回紇授其酋阿熱為俟斤回鶻衰自稱可汗武

宗朝以兵攻回鶻得太和公主獻于朝中途為烏介

可汗所奪阿熱遣使吾合素上書訟之遂徙牙牢山

之南

本傳云牢山亦曰賭滿距回紇舊牙馬行十五
日此當在巴里坤北即梁建方斬朱邪孤性地

地理志云有牟山劍水合而爲一殆忘其
從牙也諸家爲辨亦未知地志之誤耳 烏介敗奔

黑車阿熱討之以殘族歸宣宗大中元年册爲可汗

懿宗咸通中三貢後不見於史後周太祖廣順元年

遼穆宗應歷元年辛亥入貢於遼尙未亡也宋南渡後爲乃蠻

國元史太祖紀乃蠻秦陽罕來自按台山是金山以

西爲乃蠻境也秦陽罕之兄爲下魯欲罕又其先

有亦難赤當是秦陽罕父 寧宗嘉泰四年甲子元太

祖破秦陽罕於杭海山殺之越二年丙寅太祖稱帝

復伐乃蠻擒不魯欲罕秦陽罕子曲出律奔也兒的

石河地入于元後封諸王屬昔里吉元史劉哈刺八

都魯傳云至元十七年昔里吉叛宗王別里鐵木兒

征之太宗第三子闕端有孫師次金山有使者自脫

忽太宗第七子滅王所來左右曰脫忽所居要害殆

與昔里吉爲耳目遣兵窺之獲其騎三十知脫忽方

飲酣出其不意擊敗之因獲昔里吉所遣使知其不

備乘勢進擊大破擒之此與世祖紀撒里蠻執之伯

見史官是脫忽居金山爲昔里吉耳目昔里吉又在

金山之西卽此地也昔里吉十四年始叛執北平王

及安童至是被擒十九年遣札刺忽以聞而是年三

月卽立塔兒八合你驛卽塔爾巴哈之轉音或封或廢蓋無可

考諸王表昔里吉有子兀魯思不花及并王火晃帖木兒火晃復有三子或昔里吉悔罪後再封然無

據確明屬瓦拉後分四衛拉特土爾扈特部治雅爾卽

今台地舊雅爾城在今城西二百里康熙中其首阿玉奇爲策妄

所虐絕其入貢熬茶之路挈眾投俄羅斯處之額濟

勒河舊地爲輝特部所居其東境近額爾齊斯河則

都爾伯特部所轄也自噶爾丹東犯屯田於都爾伯

特策妄因之策零又因之至阿睦爾薩納之亂亦以

額爾齊斯爲始用兵蓋數十年矣乾隆二十六年西

漢西城圖考

卷之二

器

域悉平始議開屯三十六年土爾扈特渥巴錫自俄

羅斯來歸移北路三旗牧於和博克薩里地始返其

故土焉西域水道記烏訥恩蘇珠克圖盟分四路北路由札薩克布延圖親王一札薩克公品級

一 等台吉一札薩克輔國公一凡三旗牧塔爾巴哈台之和博克薩里

塔爾巴哈臺城城以山名乾隆二十八年參贊大臣

阿桂建城於雅爾三十一年遷建於哈臺山陽之楚

呼楚地駐參贊大臣一員領隊大臣二員同知一員

初設滿營駐防兵九百名綠營屯兵六百名後裁同

知及駐防滿兵設換防滿兵千三百二十二名綠旗

屯兵六百名外設換防兵四百二十四名今屯兵共

一千二十四名每歲換防由伊犁派往

備兵從錫伯
索倫察哈爾

厄魯特四
部分往

右三篇爲漢國者十三今附庫爾喀喇烏蘇及塔爾

巴哈臺二篇則皆新疆北路也西域圖志以鎮西府

迪化州別爲安西北路亦以其地早入版圖而巴里

坤之南山漢書實作天山今駐防之兵皆同一律并

爲一路不必分也今之關境倍廣於漢而以漢爲主

故二地附考焉

漢西域圖考

卷之三

墨

陽湖趙氏
壽設草堂

漢西域圖考卷之三

漢西域圖考卷之四

番禺李光廷恢垣撰

附今新疆軍台道里表

自嘉峪關西至安西州又西行六十里瓜州口驛六

十里甜水井驛七十里圪塔井驛五十里敦煌縣又

西南百五十里地名巴顏布喇為古陽關又西為漢玉門關

時南路由此北路則自陽關轉東北經戈壁以至伊

吾所謂白龍堆之險也今改道由安西北行逾山積

至哈密蓋近漢之五船道地其南路久廢今以漢北波河道為

漢西域圖考

卷之四

一 陽湖趙氏壽談草堂

南路自敦煌以西無驛站焉

嘉峪關西至安西州

嘉峪關北路過黑山湖台雙井子五十里

惠回堡四十里火燒溝三十里

赤斤湖台過赤斤堡過河四十里赤斤峽台台在山峽中過昌馬河四十里

大東渠台過大東渠二十里玉門縣城西過大西渠又過頭道溝二道溝

五十里 三道溝台過四道溝蘇賴河又過五道溝

六道溝七道溝八道溝九道溝十道溝九十里 布朗吉爾城過布朗吉爾河

雙塔堡四十里渠台過四支渠七十里

安西州 此處西分道通致 煌大路轉北行

安西州北至哈密

安西州 北行城北過蘇賴 河龍王廟九十里 白墩子台 人山嶺七十里

紅柳圍台 八十里大泉台 又七十里 馬連井台 八十里

猩猩峽台 九十里 沙泉井台 出山嶺八十里

苦水台 百四十里 格子煙墩 七十里

長流水台 七十里 黃蘆岡台 七十里

哈密城

哈密西至闕展

漢西域圖考 卷之四

哈密 過則城五十里 頭堡台 揭二堡七十里

三堡台 七十里 鴨子泉台 八十里

瞭墩台 七十里 橙槽溝台 闕見錄作百十里 里肋巴泉台此

入巴里坤路今正之 陶賴台 北有白山子有路 通嚙腹色畢二溝

○百四十里 梧桐窩台 以下入戈壁沙 灘無水草○百

二十里 鹽池台 百四十里

齊克塔木台 自此始出戈壁 五十里 蘇魯圍台 四十里

闕展城

闕展西至土魯番

關展 西行百二十里

陸布台 南有魯克沁回城 漢柳中地長史所

吊○五十里

哈喇和卓城 漢皮已校尉 沿漢後為高

昌圖○七十里

土魯番廣安城 唐交河縣 安樂城地

土魯番西北至烏魯木齊

廣安城 西北行五十里

根忒克 百里

哈必勒漢布拉克 過托克遜河百十里

哈喇巴爾噶遜城 城名嘉德唐蒲昌縣地○北行過 山百十里

昂吉爾圖淖爾 即阿勒塔齊河為烏魯木齊河之西 源○百二十里

烏魯木齊鞏甯城

漢西域圖考

卷之四

土魯番西南至喀喇沙爾

廣安城 西南行二十里

雅兒湖 有雅兒城即古交 河漢車師前王庭

唐交河縣地○過湖百里

布幹台 七十里

托克遜台 有城轉北上伊拉里克西入阿拉突峪有 路通伊犁○過托克遜河轉南而西入山

蘇巴什山溝 出山東南行 六十里

阿哈爾布拉克台 南行折西入庫什穆大山中百五 十里

庫什穆大山 即唐之銀山○西百二十里

哈喇和色爾台 自此皆西行百八十里

烏沙克塔爾台 過西塔什海水百五十里

特博爾古台

西南行九十里

喀喇沙爾城

喀喇沙爾西南至庫車

喀喇沙爾城

北行十里

河北台

南行過開都河十里

河南台

南行百里

哈勒噶阿璜台

西行十里上大石嶺

三十里出岩山古鐵門也又南二十里

庫爾勒台

西曲折行七十里

哈喇布拉克台

轉北西行百二十里

車爾楚台

百四十里

策特爾台

西頭過小河二將至又過小河一凡六十里

洋薩爾台

台在水中西頭過河復過小河三凡百里

玉古爾台

南有玉古爾莊漢輪台地○過喇依素河二又過戈壁凡百里

漢西域圖考

卷之四

四

阿爾巴特台

與阿克蘇之屬台同名各地○百六十里

托和龜台

過葉斯巴什河烏恰爾薩依河密爾特彥河古龜茲東川水也凡六十里

庫車城

庫車西至阿克蘇

庫車城

北行六十里過白山又西行百里

赫色勒台

北行過赫色勒河轉西行又過

河四十里

賽喇木城台

西轉北行西過二河百里

拜城台

過哈布薩朗比三河轉而南過雅爾幹河即渭干河上源也九十里

鄂依斯塔克齊克台

此為下銅廠西行過上銅廠七十里

察爾齊克台

過滴水崖峽百二十里

哈喇裕勒表台

古姑墨國○過阿爾

巴特河八十里

札木台 自此合伊犁來路
八十里

阿克蘇城

阿克蘇西至烏什

阿克蘇城

察哈喇克台

烏什永甯城

蘇至葉爾羌

阿克蘇西南至葉爾羌

阿克蘇城

漢西域圖考

卷之四

五

渾巴什台

洋阿里克台

伊勒都台

西林莊四十里

庫庫車爾台

關展里克台

阿朗格爾台

邁那特台

阿薩克瑪喇爾台

過湯那哈克河瑚瑪喇克河百二十里

過托什于河六十里

漢以此為北道今烏什西即胡什齊布魯特游牧不設台通外蕃者皆以阿克蘇至葉爾羌為孔道云

轉東南南又西行過渾巴什河入十里

山庫車往葉爾羌由札木台直至不經阿克蘇○南行再過渾巴什河六十里

過戈壁百四十里

西南行過小水

過小水二

又過察特

六十里

過小山七十

里

南行轉西過山峽五十里

阿察塔克台入十里

自北入

過山峽六十

里

自北入

過山峽六十

賴里克台 九十里

愛濟特呼台 過龍王廟七十里

葉爾羌城

阿克蘇由巴爾楚克台分路西至喀什噶爾 此站無單台

巴爾楚克台 西行過烏蘭烏蘇河自此沿河西行百四十里

阿克察哈爾 百里 伊米什 又十里

托克察哈爾 南過烏蘭烏蘇河七十里 英阿瓦特莊 西行七十里

牌租阿巴特莊 西行轉北過雅璠雅爾河又北過得爾必楚克河又西北過圖舒克塔什

河至回城又南行几百四十里 喀什噶爾徠寧城

葉爾羌西北至喀什噶爾

漢西域圖考 卷之四 六

葉爾羌城 西行五十里 喀喇布札什台 過小山百二十里

赫色勒察木倫台 四十里 托布拉克台 北行過山峽又北過河六

十里 英吉沙爾城 八十里

庫森提斯袞台 北過雅璠雅爾河又過得爾必楚克河九十里

喀什噶爾徠寧城

葉爾羌東南至和闐

葉爾羌城 南行過澤普勒善河六十里 坡斯恰木台 六十里

哈爾哈里克莊 南頭過聽雜阿布河六十里

洛和克台 轉東行折南過伊西庫爾北河百三十里

固瑞台

以後東行四十里

滾得里克台

過伊西庫爾南河九十里

波雅爾滿台

六十里

早窪勒台

北頭過早窪勒河三十里即哈

喇哈什城○東過哈喇哈什河五十里

和闐額爾齊城

自哈密至此為新疆南路

哈密西北至巴里坤

哈密城

北行過戈壁五十里

黑帳房塘

七十里

南山口塘

上出西過煥彩溝北上四十里

羊圈溝塘

過菩薩溝十五里

關帝廟

廟在山頂從此層折西北下過招摩多河十五里

柵門

一里出山又四十里

松樹塘

自此西行百里

漢西域圖考

卷之四

奎蘇塘

過奎蘇河東黑溝會甯城九十里

巴里坤鎮西廳城

巴里坤西北至烏魯木齊

鎮西廳

西行過西黑溝五十里

尖山子卡倫

從此至骨拐泉山口分道

南行過庚集塘肋巴泉台又南至橙槽溝塘合哈密往關展路○西行四十里

骨拐泉

過山峽六十里

肋巴泉塘

入山多過溝百五十里

噶順溝

六十里

色畢溝

三百二十里出山又三十里

奇台縣

北行三十里折西行又五十里

古城

九十里

濟大薩城

漢車師後王庭唐北延地南有保惠城○四十里

雙全河堡

七十里

三台塘

過溝二六十里

清水塘

過溝二十四十里

大泉塘

過小溝一二十里

阜康縣

過溝五四十里

黑溝塘

折南行過烏魯木齊河六十里

烏魯木齊鞏甯城

東八里即迪化州城

烏魯木齊西至伊犁

鞏甯城

西北行過頭屯河折西行百里

昌吉縣

過羅克倫河四十里

蘆草溝所

七十里

景化城

過呼圖壁河百十里

圖古里克台

五十里

塔西河所

過塔西河五十里

綏來縣

北康吉城南綏甯城西頭過瑪納斯河九十里

烏蘭烏蘇台

過烏蘭烏蘇河三十里轉北行過安濟哈正北三河又西行六十里

漢西城圖考

卷之四

八

安濟哈正台

元之葉密里地也八十里

奎屯台

自此分路北上塔爾巴哈台○大路

西行過奎屯河六十里

慶綏城

過阿爾沙圖布拉克河折南行過布爾哈齊台

爾哈齊河又折西凡六十里

布爾哈齊台

過多木達喀喇烏蘇河折

而北又折而西六十里

多木達台

西北行過固爾圖喀喇烏蘇河

七十里

固爾圖台

西行過河五十里

托多克台

過戈壁百三十里

安阜城

西頭過晶河折南行又折北行又折

西南行凡百里

托里台

八十里過庫森木什克河又三十里

托霍木圖台

百里

瑚素圖布拉克台

五十里

五十里

鄂勒著依圖博木台

亦名三台

西有賽喇木海爾圍在山中古所謂天池海元之字
羅城地也沿渾爾之東南南行三十里上松樹頭嶺
又三十里

鄂博勒齊爾台 有紅水泉
發嶺之陽

瀝爲果子溝在台西沿溝
南行又過溝四十里 塔勒奇阿瑞台 南里許水
始出山谷

內跨橋四十二道○三十里出山分二路過河三十
里沙喇布拉克台又五十里綏定城○大路三十里
出山又二十里 廣仁城 四十里

綏定城 十里 伊犁惠遠城

烏魯木齊自奎屯台分路北至塔爾巴哈台

奎屯台 北行過小河七十
里 庫爾河台 六十里

沙喇烏蘇台 六十里 鄂倫布拉克台 過峽六十
里

漢西域圖考

卷之四

烏爾格爾布拉克台 過峽
百里 雅瑪圖台 過峽又過峽百
十里

沙喇呼魯蘇台 北頭過固爾圖河西北行過額敏河
百二十里

色德爾摩多台 西北百
十里 塔爾巴哈台城

伊犁西南至阿克蘇

惠遠城 南行八里過伊犁
河又二里 巴圖蒙柯台 折東行四十
里過錫伯渠

又南行二十里再過南渠
又十里 海努克台 入山五十里

莎河台 七十里 博爾台 折西行過溫都布
拉克三河百里至

銅厥又南三十里 華諾輝台 轉北復西南行
經伊克華諾輝

河至喀喇烏蘇河過河凡
十始過特克斯河百十里 特克斯台 西行七十里入
山又十五里

沙圖台

自此沿噶克察哈爾海水南上百里

噶克察哈爾海台

自此二十里上

木索爾嶺唐書之凌山也山以雪成入山數里渡雪
海海周二四里一線中通劣容馬足嶺中有二池在
冰不冰行五十里展散于回人瑪咱乃下冰梯梯寬
約二尺許冰之消長無定梯亦因之鑿梯回人曰達
巴齊凡七十戶盡供此役又四十餘里下嶺始盡嶺
下銀溝噴薄名白龍口又西數里始至台凡百二十
里

塔木噶塔什台

阿克蘇北境台南五

里有水西來色如墨名黑龍口與白龍口水會于單
台前為木素爾河沿河東西折凡四過河七十里

瑚斯圖海托台

一路仍山行折西四十里過峽折東南又四十里

圖巴喇特台

折西二十里又折南四十里

和約伙羅克台

由東南折西北四十里過阿爾巴特河古姑墨水也又二十里

漢西域圖考

卷之四

十陽湖趙氏
壽諫草堂

阿爾巴特台

二十里過赤沙山又五十五里

札木台

與庫車東來路合由此西行過小河三十八里

阿克蘇城

自哈密北逾巴里坤至此為新疆北路

漢西域圖考卷之四

漢西域圖考卷之五

番禺李光廷恢垣撰

蔥嶺諸國沿革考

捐毒休循二國

北連烏孫康居界并今布魯特回部

捐毒休循二國居蔥嶺中蔥嶺迤北而轉東山為之限逾山而北則烏孫康居分界皆今布魯特回部地也李露之名始見唐書西域記稱為鉢露而地勢既隔古來南北皆分國其在烏孫康居界者今環特穆爾圖泊之地漢後為悅般國北單于為竇憲所逐西奔康居留老

漢西域圖考

卷之五

一陽湖趙氏書謨草堂

弱于此遂成國焉元魏時屬突厥訥都陸之孫曰吐務號大葉護有二子長曰土門次曰室點密室點密之子曰達頭可汗隋時與東突厥木杆可汗死舍其子大羅便而自為西突厥初東突厥木杆可汗死舍其子大羅便而立弟他鉢他鉢死戒其子菴羅暹大羅便叔攝圖不從菴羅讓于攝圖是為沙鉢略可汗使大羅便別為阿波可汗後又殺其母阿波走達頭達頭資以兵與沙鉢略戰為所禽國人立鞅素特勒之子為泥利可汗達頭又與啟民構兵敗奔吐谷渾時泥利亦敗及死子達漫嗣

是爲泥橛處羅可汗煬帝大業中從征高麗賜號曷羅
薩可汗江都之亂奔京師爲北蕃突厥所害國人立達

頭之孫爲射匱可汗始開土宇東至金山卽金西至海

卽雷自玉門以西諸國皆役屬之乃建延于龜茲北之

三彌由尋死弟統葉護可汗嗣北并鐵勒西距波斯霸

有西域徙延石國北之千泉地入哈唐高祖武德三年

貢條支卵太宗貞觀三年貢萬釘寶帶馬五千未幾爲

伯父所殺自爲莫賀咄侯屈利俟毗可汗國人不附共

推泥孰泥孰讓于葉護之子爲乙毘鉢羅肆葉護可汗

漢西域圖考

卷之五

二

與俟毗分王其國連兵不解西域歸肆葉護俟毘走金

山爲泥孰所殺肆葉護又忌泥孰句沒卑達于與弩失

畢部謀廢之肆葉護走康居泥孰立遣使詣闕七年遣

劉因至其國册爲吞阿婁拔奚利邲咄陸可汗八年死

弟同娥設立是爲沙鉢羅唃利失可汗分國爲十部左

五咄陸部置五大啜居碎葉東右五弩失畢部置五大

俟斤居碎葉西號十姓自此始以碎葉爲宗會卽今特

穆爾圖泊之西也已而失衆爲統吐屯所襲後乃得故

地國人又立欲谷設爲乙毗咄陸可汗與唃利失構兵

乃因伊列河約諸部咄陸主河西唃唃利失主河東咄陸
建廷鏃曷山西謂之北廷駁馬結骨諸國臣之攻唃唃
失唃唃利失走拔汗那死國人立其弟子薄布特勒是爲
乙毗沙鉢羅葉護可汗建廷雖合水北謂之南廷天山
以南諸國皆屬焉十五年遣使賜之鼓纛時咄陸漸強
攻殺葉護并其國恃其兵力攻吐火羅破之入寇伊州
爲安西都護郭恪所敗旋爲胡祿居所襲咄陸率衆度
葉葉水襲取白水胡城以居部下詣闕請立太宗立莫
賀咄之子爲乙毗射匱可汗發五弩失兵就白水攻咄

漢西域圖考

卷之五

陸咄陸走吐火羅當是時賀魯

射匱特勒之子

居多羅斯川

直西

州北一千五百里

已有處密處月姑蘇哥羅祿弩失畢五姓之

衆射匱遣兵追逐二十二年內屬詔處之廷州莫賀城
高宗永徽二年率衆西徙據咄陸故地統有十姓西域
諸國皆役屬焉遣子唃運寇廷州三年詔梁建方討破
之四年咄陸死其子眞珠護請擊賀魯破其牙帳顯慶
二年詔蘇定方率師討賀魯以阿史那彌射及步眞爲
安撫大使定方至曳唃河西破處木昆部賀魯來拒定
方擊之大潰五弩失畢降五咄陸亦趨南道降定方命

任雅相蕭嗣業先趨邪羅斯川期至雙河與彌射步真
會定方整軍而前抵金牙山賀魯適獵破其牙賀魯跳
度伊麗水彌射至伊麗處月處密諸部皆下次雙河賀
魯據柵戰復敗潰定方追至碎葉水盡奪其眾賀魯奔
至石國蘇咄城爲城主伊涅達干所拘嗣業先至千泉
至是彌射至其取之西域平獻俘昭陵及太廟詔免賀

魯死分其地爲崑陵濠池二都護府所屬諸國皆置州

府大昆部爲匍延州突騎施率曷莫賀部爲壘鹿州突
騎施阿利施部爲察山州胡祿屋曷部爲鹽泊州曷

舍提曷部爲雙河州曷
尼施處半部爲盧娑州封彌射爲崑陵都護統五咄陸

漢西域圖考

卷之五

四

部步真爲濠池都護領五弩失畢部此地屬步真龍朔

二年彌射步真從蘇海政討龜茲步真譖彌射于海政

殺之乾封時步真亦死咸亨二年以阿史那都支領其

眾與吐蕃寇安西裴行儉擊禽之時儀鳳二年也行儉

令王方翼築碎葉城以備四鎮唐書王方翼傳方翼築
碎葉三門紆還多趨以

謫出入五旬畢西
胡縱觀莫測方器時十姓無主武后垂拱初令彌射子

元慶步真子斛瑟羅襲父所領如意元年元慶爲來俊

臣誣害子獻配崖州長壽二年召還襲父職爲突厥默

覲及突騎施烏質勒所迫不敢遣國隨斛瑟羅者纔數

萬人徙居內地地歸于烏質勒烏質勒者突騎施別種也本隸斛瑟羅部衆稍盛攻取碎葉爲大牙弓月城伊麗水爲小牙盡得斛瑟羅地聖厯二年遣子來朝中宗神龍中死子娑葛嗣景龍中入朝與闕啜忠節交惡忽朝廷入寇安西後與兄遮弩構兵并爲默啜所殺別部車鼻施啜蘇祿得其衆復雄西域元宗開元三年册爲忠順可汗五年來朝乃封阿史那懷道女爲金河公主妻之晚病風痺其首領莫賀達干都摩支二部方強種人謂娑葛後爲黃姓蘇祿爲黑姓俄達干殺蘇祿都摩

漢西域圖考

卷之五

五

支立蘇祿子吐火仙居碎葉引黑姓爾微特勒保怛羅

斯城

屬哈薩克

共攻達干元宗遣蓋嘉運攻吐火仙禽之碎

葉城夫蒙靈睿掩怛羅斯城以懷道

斛瑟羅子

之子昕爲十

姓可汗莫賀達干殺之西突厥亡達干自立爲可汗靈

睿又誅之以都摩支爲葉護自天寶至乾元黑姓尙間

入貢代宗大厯之後胥臣于葛羅祿自後統稱回鶻矣

其西南爲石國唐書西域傳云居康居小王窳匿城漢

大宛北鄙今納林河逾山而北霍罕之東北界也

唐書西域

傳王姓石治拓折地故康居小王窳匿城隋大業初西突厥殺其王以特勒旬職統其國武德貞觀間數獻方

物顯慶三年封其首爲都督開元初封莫賀咄吐屯爲石國王二十八年以助攻突騎施吐火仙功封順義王天寶初高仙芝劾其王伊奈吐屯屈勒請討之王納降獻斬闕下王子走大食乞兵攻怛羅斯城敗仙芝軍自是臣大食寶慶初來朝其在捐毒休循故地者曹魏之世并于疏

勒見魏畧水經注仍有捐毒休循殆沿漢書釋經非所詳矣元魏至唐則極西爲東

曹國唐書西域傳云居波悉山之陽即略卜略山之南爲漢貳

師城地隣大宛是今額德格訥部矣東曹又南則在元

魏時有者至拔國在疏勒西有迷悉國在者至拔西皆其地其南

逾疏勒居河之南者唐字露地又雜北識匿之種西域

傳云播密川四谷不用王命播密卽波謎羅川皆音之舊今

漢西域圖考

卷之五

雅璊雅爾河也五季之世北路爲回鶻南路則漸入回

回遼亡屬西遼西遼亡屬乃蠻元太祖九年西收別失

八里別失八里西至撒馬兒罕則疏勒以西皆屬別石闌卽唐石國等城地入版

圖明史所紀別失八里而外一爲養夷在賽藍東三百

六十里則唐碎葉鎮之西南本傳云城居亂山間此卽唐書所云千泉南雪山三

垂者也又云東北有大溪西流入一爲沙鹿海牙本傳云沙鹿海牙西北臨火站河卽長春西游記所云至霍關河

則火站爲霍關之轉卽那林河北距長春所歷之城二

日行則在唐石國之南其分爲回部當在中葉後也入

我朝分東西兩部東部皆役屬準噶爾或畏迫西徙

乾隆二十四年準回皆平始內附今之可知者近喀什噶爾爲冲巴什部雅瑞雅爾河之北爲希察克部冲巴噶什之東北巴爾琿嶺之南爲薩爾巴噶什部又東爲蒙額特多爾部烏什之北爲奇里克部烏什之西爲胡什齊部

此皆在卡倫之內其逾天山而北者乃爲布魯特地

又逾特穆爾圖泊之北爲巴雅什部所謂東布魯特也冲巴什之西爲岳瓦什部稍南爲喀爾提錦部極西與霍罕界爲額德格訥部其在哈喇庫勒泊南者爲哈卜齊克部又東南爲薩爾特部西南至喀楚特山爲奈曼部所謂西布魯特也

漢西域圖考

卷之五

瀛環誌畧云東五部西十五部恐未確

皮山子合西夜蒲犁依耐無雷難兜烏耗八國

今呼噶

勒察回之乾竺特博羅爾八達克山二部地

自皮山上蔥嶺漢爲蔥嶺八國

法顯佛國記所云嶺東六國兼于闐而言除于

闐外加以無雷難兜烏耗爲八國

無雷居山脊依耐子合等五國在其

東難兜烏耗在其西晉時漸移其舊佛國記云于闐二

十五日至子合國南行四日入蔥嶺至於麾國二十五

日到竭父國其國在山頂水經註則無雷依耐蒲犁皮

山難兜仍稱舊名其添出羅逝一國實即無雷或沿漢

稱也魏書所稱皮山爲蒲山國子合爲悉居半國

即朱俱波

亦作朱駒波

烏耗爲權于摩國宋雲于明帝神龜三年往天

竺子合又名朱俱波國而山頂爲漢盤陀國

即無雷逾故地

山爲鉢和國隋書亦云南道由朱俱波漢盤陀度葱嶺

是無雷改國在晉時子合改國在元魏時也是時厭達

最强諸國皆役屬唐則朱駒波兼有蒲犁依耐子合西

夜四部北與播密川之讖匿爲隣高宗永徽四年與疏

勒漢盤陀附西突厥思結都曼寇于闐蘇定方討平之

皆今噶勒察回之乾竺特博羅爾二部境也漢盤陀自

漢西域圖考

卷之五

八

宋雲至時已十三世立國當在東晉

即竭義

至唐開元中

破之置蔥嶺守捉則山脊而東皆內屬其山脊之西則

屬讖匿亦名尸棄尼國讖匿之西古難兜地盡于蔥嶺

爲拘謎陀國爲鉢利曷國爲曷羅胡國爲阿利尼國南

經達摩悉鐵帝國逾縛芻河至安咀縛羅國潤悉多國

活國直界婆羅摩那大嶺爲吐火羅故地

西域記自東入蔥嶺皆今

入達克山之

境事具通記皆今噶勒察回之入達克山境也

達摩悉鐵帝一

名護密即魏鉢和古由此分道北史云鉢和一道向屬
達一道西行向烏婁是也至小勃律即西域記之鉢露

羅在入達克山

山南則出其境五代至宋役于大食宋史拂赫傳云其

國東自西大食及于闐回紇青唐以抵中國以于闐接
大食是其證矣元太祖西征始內附憲宗初山東隸別
失八里行省山西隸阿母河行省行省廢仍自立國明
通西域取路撒馬兒罕皇華不至見史絕稀八峇黑商
卽八達克山而所記亦非今日之地蓋爾時八峇黑商
實兼布哈爾之噶斯尼地使者所經乃在彼處未及詳
其東方風土耳本傳云八峇黑商在俺都淮東方城周
十餘里地廣無險阻浮屠數區壯麗如
王居西域諸國多服
其地故其民富饒云至云永樂時爲哈烈酋沙哈魯之
子所據命內官把太李達賜敕書諭以通商自是東西

漢西域圖考 卷之五

萬里通行無滯則實爲津要卽此地矣今之通中國自
乾隆二十四年平和卓木之後曰乾竺特歲貢金曰博
洛爾在乾竺特西嘗貢刀斧蔥嶺之西曰八達克山其
酋素爾坦沙以獻和卓木兄弟首受賞又貢刀斧八駿
外有什克南在哈喇泊西南西域間見
錄之沙關記卽此地人達爾瓦斯在喀
爾提
錦布魯特之西南爲兩回部分界聖武記云張格爾既
平那彥成以進子布素普尙在浩罕招諭布哈爾八達
克山達爾瓦斯各部令
與攜貳是各爲一部 部名尙著餘若滾若羅善若差
拉特不知爲屬城爲各部至若黑斯圖濟蓋乾竺特屬
城若窩罕若塔木子若差雅普若渾堵斯若塔爾干則

皆八達克山屬城云

右二篇爲漢國者十皆屬都護漢之西境盡此矣故
別爲一路

漢西域圖考

卷之五

十
陽湖趙氏
齋談草堂

漢西域圖考卷之五

